



Broj: 01,02,03,03/1-05-1-727/23

Sarajevo, 6. 6. 2023.

**KOLEGIJ PREDSTAVNIČKOG DOMA PSBiH
KOLEGIJ DOMA NARODA PSBiH**

28-07-2023

B

Predmet: Izvještaj sa sastanka Parlamentarnog odbora
Parlamentarne dimenzije Centralnoevropske inicijative,
održanog 22. i 23. maja u Kišinjevu (Moldavija)

Poslanik u Predstavničkom domu i član Delegacije Parlamentarne skupštine Bosne i Hercegovine (PSBiH) u Parlamentarnoj dimenziji Centralnoevropske inicijative (PDCEI) Predrag Kožul učestvovao je na sastanku Parlamentarnog odbora PDCEI-ja, koji je, u okviru moldavskog predsjedavanja CEI-jem, održan u Parlamentu Republike Moldavije, u Kišinjevu, od 22. do 24. maja godine.

U svom obraćanju o temi: „Energetska sigurnost u državama članicama CEI-ja nakon izbijanja agresorskog rata Rusije protiv Ukrajine“ Kožul je učesnike sastanka upoznao s činjenicom da BiH u zadnjih nekoliko mjeseci preduzima ozbiljne korake s ciljem stvaranja uslova za diversifikaciju nabavke plina. Kožul je napomenuo da su u toku zakonske i tehničke procedure za dvije nove plinske interkonekcije, s posebnim akcentom na značaj južne interkonekcije koja bi jug BiH povezala s hrvatskim plinovodom i otvorila mogućnost da BiH pristupi otvorenim tržištima za snabdijevanje plinom. Također je istakao da kandidatski status, koji je BiH dodijeljen u decembru prošle godine, predstavlja vjetar u leđa svim institucijama BiH kojima, kako je rekao, predstoji vrlo ozbiljan posao i prihvaćene obaveze u vezi s donošenjem zakona i odluka kojima će naše zakonodavstvo biti usklađeno sa zakonodavstvom Evropske unije.

Na sastanku Generalnog odbora uvodna obraćanja imao je Igor Grosu, predsjednik Parlamenta Moldavije, i Igor Kirijak, *ad interim* predsjednik moldavske parlamentarne delegacije u Parlamentarnoj dimenziji CEI-ja.

Generalni sekretar CEI-ja Roberto Antonione pohvalio je Moldaviju što je ove godine preuzela predsjedavanje CEI-jem, uprkos teškim okolnostima i izrazio nadu da bi ova prilika mogla biti od ključnog značaja za zemlju u demonstriranju kapaciteta i liderstva, također u svjetlu njenog procesa evropskih integracija.

Na otvaranju sastanka također su se obratili Dumitru Alaiba, zamjenik premijera i ministar ekonomskog razvoja i digitalizacije, Mihail Popșoi, zamjenik predsjednika Parlamenta Moldavije, Doina Gherman, predsjedavajuća Parlamentarnog odbora za vanjsku politiku i evropske integracije, Vladimir Cuc, državni sekretar Ministarstva vanjskih poslova i evropskih integracija, Cristina Pereteatcu, državni sekretar Ministarstva energetike, Sergiu Tofilat, stručnjak za energetiku, Valentin Arion, profesor na Tehničkom univerzitetu Moldavije.

U zajedničkoj izjavi, koja je usvojena na kraju sastanka, učesnici su potvrdili značaj regionalne saradnje unutar CEI-ja, zasnovane na sveobuhvatnom pristupu i ravnopravnoj osnovi u bilateralnim i multilateralnim mehanizmima kao instrumentima za rješavanje sveobuhvatnih ili hitnih problema, uključujući energetske sigurnost u regiji i promoviranje evropskog puta zemalja kandidatkinja. Učesnici sastanka u zajedničkoj izjavi naglasili su da su spremni da ulože zajedničke napore s ciljem intenziviranja saradnje unutar platforme PDCEI, ali i izvan nje, uključujući konsolidaciju regionalne i evropske energetske sigurnosti i nastavak projekta evropskih integracija zemalja kandidatkinja.

Izveštaj pripremila

Nataša Čabak


Sekretarka Delegacije

Izveštaj odobrio

Pređrag Kožul


Član Delegacije PSBiH u PDCEI

Dostaviti:

- naslovu
- Komisiji za vanjske poslove PDPSBiH
- članovima Delegacije PSBiH u PDCEI
- a/a